

CARAVANA DI ESTRELLAS DIADOMINGO AWOR

ORANJESTAD. — For di sr. Adisson Croes, un di e colaborador nan di e radioemisora „Voz di Aruba” nos a ser informa cu e radioemisora menciona, en coneccion cu su di seis anja di existencia, lo presenta diadomingo awor un berdadera caravana di estrellas cu varios agrupacion musical riba e isla.

Voz di Aruba diadomingo awor ta existi 6 anja y pa e motibo aki lo tene un desfile largo di artistanan local for di 10'or y mei di mainta te 5'or di atardi (estilo marathon). Colaborador den e programa aki ta e siguiente agrupacionna musical:

Padu del Caribe, Sensacion Musical, Trio Los Aventureros, Trio Los Conquistadores, Tally Lopez, Conhunto Estrellas Musical, Eduardo Curet y su piano, Mariachi Aruba, The Top Platters, Los Casinos, Mariachi Santa Cruz, Trio Huasteca, conhunto Folklorico Arubano, The Aruba Teenagers, Los Wois Wois, The Creole Kats, Boysie Croes y su cuarteto Melodico, The Caribbean Diamonds y Jani Maduro y su Trio.

Voz di Aruba a invita tambe tur e Reinanan di e Clubnan social na nos isla. Mirando e cantidad grandi di artistanan y e hecho cu lo no falta interes pa parti di publico nan a decidi na tene e desfile aki for di Aruba Tivoli Club, for di unda nan lo transmiti henter e programa.